



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1729. usque ad annum 1731

Fleury, Claude

August. Vind. [u.a.], 1785

VD18 13322648

§. 44. Ultima sententia in Cosciam pronuntiata.

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

bat, malle semel mori, quam toties Sæc. XVIII.
lenta morte confici. A. C. 1731.

§. XLIV.

*Ultima sententia in Cosciam
lata.*

Interim Petruscius & Isoldus crimi-
num participes domesticæ addice-
bantur custodiæ, & Valerius Locca-
tius bis mille aureis multatus ad quin-
quennales carceres Urbem veterem ab-
ducebatur; ipse vero Cardinalis duo
adhuc examina subire coactus est, non
alio causæ successu; nisi quod die vi-
gesima octava Septembris eidem ad
sui defensionem certum temporis spa-
tium esset indultum, pollicitumque,
ut cunctis iudicii actis ei communica-
tis, a custodia liberaretur, dummodo
haud amplius fugam attentaret, secus
omni dignitate, beneficiis & bonis spo-
liandus. Inita hac conditione Coscia,
abductis excubiis, e Monasterio suo
die quarta Octobris progreditur, ob-
tenta, quocunque vellet, intra Urbis
mœnia eundi libertate: Præprimis vero
totus in eo erat, ut celebris Advocati
ope intra præstitutum terminum caus-
sam suam tueretur: Selegit Toppium,
cetera Caussidicum suo ævo longe præ-
stantissimum, qui tamen necessariis de-
stitu-

Sæc. XVIII. stitutus documentis labori succubuit
 A. C. 1731. Re autem longius protracta Pontifex
 adhuc triginta dierum spatium indole-
 sit, quo tamen evoluto sententia sine
 ulteriore mora pronuntiaretur. Huius
 termini beneficium in rem suam ve-
 furus Coscia, causæ suæ defensionem
 commisit Vitagliano Advocato perco-
 lebri, qui etiam prolixum edidit con-
 ceptum verborum quidem facundia uberi-
 rimum, sed rationum soliditate jejuum.
 Jam nil propius esse videbatur, quam Co-
 sciaæ condemnatio: nihilominus Pon-
 tificem nominatis Cardinalibus Jube-
 ceum, Corsinium, Cibum & Falco-
 nerium Purpuratos, necnon Valerium
 & Jacobazzium adjunxit, qui die ve-
 gesima octava Aprilis a summo mane
 usque ad seram noctem recognitis ju-
 dicii actis maturam instituerunt con-
 sultationem, demum vero unanimi in-
 fragio pronuntiarunt, judicium de Co-
 sciaæ Persona remittendum esse Apo-
 stolico conscientiaæ Tribunali, suis vero
 beneficiis & cura animarum spoli-
 dum, ex ejus bonis damna ærario Pon-
 tificio illata reparanda, & simoniacæ
 corrupta in pauperes eroganda esse, et
 sui sustentationem relictis duntaxat sic
 aureorum millibus: Hujus sententia
 tenorem Fiorelius communicabat sum-
 mo Pontifici, qui judicii actis demum
 mature

mature discussis, die nona Maij cunctos præfatæ Congregationis Cardinales adesse iussit, eos his verbis allocutus: *vestram sententiam serio examinavimus, & æquissimam esse censemus, executionis vero modum percipite.* His dictis Passerius scriptum prælegit hoc tenore: „Cardinalis Coscia, qui regnante Benedicto XIII. multas pecunias, per nefas, ac injustas exactiones extorsit, Apostolicas literas adulteravit, munera & pecunias pro beneficiis accepit, Pontificis defuncti confidentia abusus sese eidem ingratiſſimum exhibuit, Apostolica hodierni Pontificis mandata contempſit, pluraque alia scelera in actis iudicii fufius comprobata perpetravit, omnibus beneficiis privatus, atque integro decennio captus in arce S. Angeli criminum suorum pœnitentiam agat, & toto illo tempore soli Pontifici reservato anathemati subjectus, voce activa & passiva in S. Comitibus careat, ac tandem centies mille aureos Neapolitanæ monetæ pendat, in pauperes Hungarici Regni paræcias distribuendos, Simoniace autem accepta & viginti quinque illa scutorum millia a Negronio Thesaurario extorta, pistoribus & Saponariis, necnon Pontificio ærario ablata unacum expensis restituat..

Tt 5

Hujus

Sæc. XVII. Hujus sententiæ executio demandata
 A. C. 1731. est Cardinali Banchierio, qui eadem
 adhuc nocte Cosciam currui suo impo-
 situm ad arcem S. Angeli conduci ce-
 ravit. Excipitur quidem Coscia
 honorifice a Duce Palombara arcis Pre-
 fecto, & quamprimum cubiculum
 assignatum ingressus fuerat, exclamavit
Hic est requies mea! - altera tamen die
 in mensa hæc S. Augustini verba
 ignota manu scripta legebantur: *Non
 est requies, ubi quæritis eam: quæritis eam
 quæritis, sed ibi non est, ubi quæritis.*
 Porro inter tot calamitates nil magis
 acerbo dolore afflictum Cosciæ animam
 lancinabat, quam quod a fidelium
 communionem per majorem, ut vocant,
 excommunicationem abscissus esset, a
 qua tamen censura ad potentissimas
 Imperatoris preces a Papa liberatus,
 ut a reparandis damnis initium poen-
 tentiæ faceret, Firrau Cardinalis her-
 tatu, viginti aureorum millia persolvit.
 Denique præfati Cardinales in eadem
 Congregatione causam discusserunt ho-
 norum, qui pariter nefariis actibus de-
 glutiverant pecuniarum thesauros, quos
 foeda auri siti concupiverant. Ex his
 ergo alii pecunia mulctati, alii in vi-
 cula conjecti, alii exilii & treremum
 supplicio puniti, non pauci dignitate
 privati, ac denique omnes pro culpe
 merito

merito castigati sunt, exceptis iis, quos Sæc. XVIII.
 exagitante facinorum conscientia, fuga A C. 1731.
 supplicio eripuit.

§. XLV.

*Controversia Pontificis cum Sardiniae
 Rege resuscitata.*

Diuturna non minus ac permolesta,
 ut supra meminimus, inter Bene- Vide supra
 dictum XIII. & Victorem Amadeum lib. 223.
 Sardiniae Regem controversia agitaba- §. 59.
 tur, quæ tamen beneficiorum nomi- pag. 385.
 natione Regi adjudicata, & immuni-
 tate Ecclesiastica certis limitibus cir-
 cumscripta anno hujus sæculi vigesimo
 sexto composita fuit. Nec firma ta-
 men erat hæc concordia; postquam e-
 nim Clemens XII. Pontificium solium
 conscenderat, per Prædecessoris sui in-
 dulgentiam ingens Sedi Apostolicæ
 damnum fuisse illatum ratus, pacta
 conventa dissolvere statuit. Hunc in
 finem die octava Januarii solemnem
 convocavit Purpuratorum Conventum,
 in quo oratione habita exponebat, se
 intimo animi mærore sæpius perpen-
 disse, quam ingens jurium suorum de-
 trimentum Sedes Apostolica per im-
 modicas concessiones Sardis factas esset
 perpeffa; inde etiam Episcoporum au-
 thoritatem fuisse imminutam, turbatam
 Ec-